

Handwritten: 415/33. 26967211/2
Handwritten: 11/11/11

ՀԱՄԱԳՈՒՄԱՐ

520 p

**ՎԱՆՈՒՆՆԵՐ, ՀՐԱՀԱՆԳ, ԸՆՏՐԱԿԱՆ ԾՐՋԱՆՆԵՐ
ԵՒ ՕՐԱԿԱՐԳ**

ՀՐԱՏԱՐԱԿՈՒԹՅՈՒՆ

Թիֆլիսի Հայ Միջկուսակցական Խորհուրդի

ԹԻՖԼԻՍ

Типография „Экономия“ Б.-Ваннская № 3.

1917. Թ

48305

ՌՈՒՍԱՎԱՅՈՑ ՀԱՄԱԳՈՒՄԱՐ

I

Կ Ա Ն Ո Ն Ն Ե Ր

1. Իւրաքանչիւր ռուսահայ՝ 20 տարին լրացրած՝ առանց սեռի և դաւանութեան խարութեան, իրաւունք ունի մասնակցելու պատգամաւորների ընտրութեանը որպէս ընտրող և ընտրվող: Գարնիգոններում և առհասարակ ընտրաշրջաններում գտնվող հայ ղինվորները ընտրութիւններին մասնակցում են ընդհանուր հիմունքներով:

Ծանօթ.—1 Զօրաճակատներում և մօտաւոր թիկունքներում գտնվող հայ ղինվորների՝ ընտրութեան մասնակցելու հարցը, որոշվելուց յետոյ, առանձին կը յայտարարվի:

Ծանօթ.—2 Ընտրութիւններին մասնակցելու, ընտրելու և ընտրվելու իրաւունք ունեն նաև ոչ ռուսահայատակ այն հայերը, որոնք ներկայ պատերազմից առաջ բնակութիւն են հաստատել Ռուսաստանում:

2. Պատգամաւորների ընտրութիւնը կառարկում է ընդհանուր, հաւասար, համեմատական (պրոպորցիոնալ), անմիջական և գաղանի ձայնաւարկութեամբ:

3. Ռուստեայ Ժողովրդի Իւրաքանչիւր 10,000 հոգուց մէկ պատգամաւոր է լի-

նելու: Ընտրական շրջաններում ընտրելի պատգամաւորների թվի մասին առաջ ծուցակ ընտրական շրջանների:

4. Իւրաքանչիւր ընտրող կարող է ունենալ միայն մէկ ձայն: Իւրաքանչիւր ընտրող իր ընտրողական իրաւունքը կարող է գործադրել միայն մէկ ընտրական շրջանում: Ընտրվել կարող են մարդիկ անկախ այն հանգամանքից, թէ որ ընտրական շրջանումն են բնակվում:

5. Ընտրութիւնը կատարելու կարգերը որոշված են ստորի առաջ բերված Ընտրական հրահանգով:

6. Ընտրութիւնները կազմակերպելու, կարգադրելու և վարելու համար հաստատվում են՝ կենտրոնական յանձնաժողով Թիֆլիսում, այլ և 11 շրջանային ընտրական յանձնաժողովներ՝ շրջանների կենտրոններում (առաջ ծուցակ ընտր. շրջանների), որոնք բաղկացած են հայ քաղաքական կուսակցութիւնների առաջնորդներից, թվով 5—7 հոգի:

Ծանօթ.—Ընտրական շրջանների ցուցակում՝ Իւրաքանչիւր շրջանակի գէժ նըշանակված պատգամաւորների թվերը (օրինակ՝ Երևան քաղաք 4, Երևանի դաւա՝ 7, Կայն) չեն նշանակում, թէ Իւրաքանչիւր շրջանակ պէտք է այդքան թուով պատգամաւոր ընտրէ իր կողմից, այլ այդ թվերը բերված են միմեայն ցոյց տալու համար, թէ թնչ հիման վրա և թնչ առեւտրներից է ստացվել ամբողջ շրջանի պատգամաւորների թիւը (40): Ուրեմն՝ 11

58305

526

ընտրական շրջաններից իւրաքանչիւրը կազմում է միայն մէկ ընտրական միութիւն, այսինքն՝ այդ շրջաններից իւրաքանչիւր մէկում ձայնավութեան են ենթարկւում նոյն այդ ամբողջ շրջանի համար կուսակցութիւնների կողմից առաջարկված անուանացուցակները, որոնք պարունակում են այդ շրջանի համար պահանջվող թեկնածուների թիւը (Ընտրութեան մանրամասնութիւնները տես «Հրահանգում»):

7. Կենտրոնական ընտրական յանձնաժողովը Թիֆլիսում

ա) Հսկում է ընտրութիւնների կանոնաւորութեան վրայ ամենուրեք ընդհանրապէս.

բ) Լուծում է սոյն կանոնադրութեան և ընտրական հրահանգի զործադրման առիթով ծագող տարակուսանքները ու բացատրութիւն է տալիս:

գ) Հարկաւոր հրահանգներ է տալիս շրջանային յանձնաժողովներին:

դ) Շրջանային յանձնաժողովների դեկուցագրի կիման վրայ կազմում և հրատարակում է պատգամաւոր ընտրվածների ընդհանուր ցուցակը:

8. Իւրաքանչիւր ընտրող ինքն անձամբ պէտք է տայ իր ձայնը:

9. Ընտրութիւնների անկանոնութիւններից գէժ բողոքները, հարկաւոր բացատրութիւններով հանգերձ, արվելու են ընտրական շրջանակային յանձնաժողովներին՝ ընտրութիւնը կատարելուց յետոյ երեք օրվայ ընթացքում: Այդ բողոքները

իշեալ յանձնաժողովները կենտրոնական ընտրական յանձնաժողովի միջոցով ներկայացնում են ոռուսահայոց համագումարին, որից և կախված է պատգամաւորների ընտրութիւնների ընտրութիւնը, օտուգումն ու վաւերացումը:

II.

ԸՆՏՐԱԿԱՆ ՇՐԱՀԱՆԳ

1. Ռուսահայոց Համագումարի ընտրութիւններին չեն մասնակցում միայն դատարանի վճռով ազատութիւնից զրկվածները:

2. Որպէսզի յարմարութիւն ստեղծվի ընտրողների համար, աւելի հեշտութեամբ տալու իրանց ձայնը՝ մեծ քաղաքները (օր. Թիֆլիս, Բագու...) կարելի է բաժանել մի քանի ընտրական շրջանակների (թաղերի):

3. Ընտրութիւնները ամենուրեք կատարվում են նոյն օրը, — կիւրակի, յուլիսի 23-ին: Այդ օրը ընտրական յանձնաժողովները բաց են, ընտրական թերթեր ընդունելու համար, առաւօտեան ժամը 9-ից մինչև երեկոյեան ժամը 6-ը:

4. Յուլիսի 10-ից ոչ ուշ կուսակցութիւնները կամ խմբակցութիւնները, իւրաքանչիւրն իր կողմից, պէտք է շրջանային ընտրական յանձնաժողովներին ներկայացնեն պատգամաւորական թեկնածուների անուանացանկ՝ առանձին թերթերով: Այդ

Թերթերում առջ քերված Թեկնածու-
ների թիվը չը պէտք է աւելի լինի ամ-
բող շրջանի կողմից ընտրվելը պատգա-
մաւորների թվից, օրինակ՝ Երեւանի շրջանի
համար ոչ աւելի քան 46 անուն, Թիֆլիսի
շրջանի համար ոչ աւելի քան 40, և այլն):
Աւելի անուններ պարտանակող ցուցակների
մէջ հաշվի չեն առնվելու վերջին անուն-
ները:

Որեւէ ընտրական շրջանի համար պատ-
գամաւորների անուանացանկ առաջարկող-
ները պէտք է ստորագրեն իրանց առաջար-
կած ցուցակը և լինին ոչ պակաս քան ա-
ռաջարկված պատգամաւորների թվի կէսը:

Իւրաքանչիւր առաջարկված անուա-
նացանկ պէտք է իբրեւ վերնագիր այն
կուսակցութեան կամ խմբակցութեան ա-
նունը, որի կողմից առաջարկվում է:

5. Այս պայմաններին համապատաս-
խանող անուանացանկերը իւրաքանչիւր
շրջանի ընտրական յանձնաժողովի կողմից
պէտք է յայտարարվին ի դիտութիւն ընդ-
հանուրի՝ ամբողջ ընտրական շրջանի սահ-
մաններում՝ այն հաշվով, որ ընտրութիւ-
նից գոնէ 3 օր առաջ յայտնի լինին ընտ-
րավայրերին:

6. Իւրաքանչիւր շրջանի ընտրու-
թիւնները կազմակերպելու համար՝ այդ
շրջանների կենտրոններում կան միջկու-
սակցական շրջանային յանձնաժողովներ:

7. Շրջանային յանձնաժողովները ի-
րանց կողմից կազմակերպում են շրջանա-

կային ընտրական յանձնաժողովներ, որոնք
կազմակերպում և ղեկավարում են շրջա-
նակներում (գիւղ, քաղաք) ամբողջ շրջա-
նակի ընտրական գործը:

8. Ձայն տալ կարելի է պատգամաւո-
րական Թեկնածուների՝ ամբողջ շրջանի
համար առաջարկված անուանացուցակնե-
րից մէկին միայն: Ընտրութիւնը կատար-
վում է գաղանի, ընտրական տոմսի յանձ-
նումով:

9. Ամեն մի ընտրական տոմսի վրա
պէտք է տպագրված կամ գրված լինի մի
որեւէ կուսակցութեան կամ խմբակցութեան
անուն միայն: Բոլոր տպագրված տոմսերը,
ինչ կուսակցութեան կամ խմբակցութեան
էլ պատկանելիս լինին, պէտք է լինին՝
միաձև, միաչափ և միևնոյն թղթի վրա
միևնոյն տառերով տպագրված: Դրանք էլ
պատրաստվին Թիֆլիսում, որտեղից և էլ
ցրվին շրջանները: Ամեն մի ընտրող իր
ցանկացած ընտրատոմսը անձամբ ծալած
տալիս է յանձնաժողովի նախագահին, որն
և ընտրողի ներկայութեամբ զցում է՝ կըն-
քած արկղի մէջ: Այս պահանջներին չը
համապատասխանող ընտրատոմսերը հաշվի
չեն առնվում:

10. Ընտրութիւնների կանոնաւորու-
թեան վրա հսկում է յանձնաժողովը, որը
պէտք է նկատի, որ ընտրութեան ատեա-
նում միայն ընտրատոմսեր տրվին, և թոյլ
չը տրվի նախընտրական պայքար, ինչպէս

և որիէ ձեռով չը խանգարվի ընտրութեանց կանոնաւորութիւնը:

11. Զայնաւորութեան յաջորդ օրը, բաց նիստում, ներկայութեամբ այդտեղ գտնվող ընտրողներին՝ ընտրական յանձնաժողովը հաշվում է, թէ՛ սրբափ ձայն է ստացել աւան մի կուսակցութիւն կամ խմբակցութիւն: Հետեանքները զրի են առնվում արձանագրութեան մէջ, որ և ստորագրում են նախագահը և յանձնաժողովի անդամները: Այդ արձանագրութիւնները բոլոր վայրերի յանձնաժողովները անմիջապէս ուղարկում են իրանց շրջանակային յանձնաժողովներին, որ և դարձեալ պաշտօնական նիստում կատարում է ամբողջ շրջանակի ձայնաւորութեան հաշուումը և զրի անցնում հետեանքները ու անմիջապէս ուղարկում է շրջանային ընտրական յանձնաժողովին:

12. Շրջաններում պառզամաւորները ընտրվում են համեմատական սկզբունքով (տես յօդուած 13):

13. Ընտրական շրջանային յանձնաժողովները ստանալով շրջանակներից ձայնաւորութեանց հետեանքները՝ ձեռնարկում են ընտրութեան հետեանք կերպով:

Իւրաքանչիւր ընտրական շրջանում ընտրվելիք բոլոր պառզամաւորների թիւը բազմապատկում են այս կամ այն խմբակցութեանը տրված ձայների թվի վրայ և արտադրեալը բաժանում ամբողջ շրջանում անխտիր բոլոր անուանացանկերին տրված ձայների թվի վրայ: Այդ ձևով ստացված

թիւը ցոյց կը տայ, թէ՛ ամեն մի խմբակցութեան կողմից ներկայացված անուանացանկից քանի հոգի են ընտրված, հաշվելով ըստ համարագրութեան կարգի, սկսած առաջին թեկնածուից: Եթէ ամբողջ շրջանում ընտրված պառզամաւորների թիւը պակաս լինի պահանջված թվից, այդ պակասը կը լրացվի մնացորդներով, սկսած ամենամեծ մնացորդից:

Ծան.—Այս յօդուածը աւելի պարզ կացուցանելու համար առաջ ենք բերում հետեանք օրինակը:

Ամբողջ Երևանի շրջանում պէտք է ընտրվի 46 պառզամաւոր: Ենթադրենք, թէ այդ ամբողջ շրջանում տրված բոլոր ձայների թիւն է 116,560: Ասենք թէ՛ մասնակցել են 5 կուսակցութիւն:

Ա. կուսակցութիւնը ստացել է	35,846	ձայն
Բ.	»	» 31,220 »
Գ.	»	» 25,438 »
Դ.	»	» 20,309 »
Ե.	»	» 3,747 »

Ընդամենը՝ 116,560 ձ.

Այժմ, խմանալու համար, թէ՛ սր կուսակցութիւնը քանի պառզամաւոր կուենայ, կը կատարենք հետեանք գործողութիւնները:

$$\text{Ա. կուս. } 35,846 \times 46 = 1,648,916 : 116,560 = 14 + \text{մնաց. } 17,076$$

$$\text{Բ. } » 31,220 \times 46 = 1,436,120 : 116,560 = 12 + \text{մնաց. } 37,400$$

- Գ. » $25,433 \times 46 = 1,170,208:116,560 =$
 $= 10 +$ մնաց. 4,548
 Դ. » $20,309 \times 46 = 934,214:116,560 =$
 $= 8 +$ մնաց. 1,734
 Ե. » $3,747 \times 46 = 171,362:116,560 =$
 $= 1 +$ մնաց. 55,802

Ընդամենը 45 պատգամաւոր.

Պակասած մէկ պատգամաւորն ընտրւ-
 վում է Ե. կուսակցութիւնից, որ ամենից
 մեծ մնացորդն ունի:

Այս կերպով՝

Ա.	կուսակցութիւնը տալիս է՝	14 պատ.
Բ.	»	12 »
Դ.	»	10 »
Դ.	»	8 »
Ե.	»	(1+1) 2 »

14. Շրջանային ընտրակոն յանձնա-
 ժողովները կազմում են արձանագրութիւն,
 որի մէջ գրվում է նիստի տեղը, ժամանա-
 կը, ամբողջ շրջանում ընտրութեան մաս-
 նակցածներէ թիւը և եղած բողոքները:
 Արձանագրութիւնը կարգացվում է բաց
 նիստին, ստորագրվում և հաստատվում
 յանձնաժողովի անդամներէ և քաբաւարի
 կողմից:

15. Ընտրութեան հետևանքները շրջ-
 նային յանձնաժողովները 3 օրվայ ըն-
 թացքում առանձին ղեկուցապրով ուղար-
 կում են Թիֆլիս, կենտրոնական ընտրա-
 կան յանձնաժողովին: Նոյն շրջանային

յանձնաժողովները պատշաճ վկայական են
 տալիս ընտրված պատգամաւորներին: Բո-
 ղոքներ եղած դէպքում ուղարկվում են ազ-
 դային համագումարի դիւանի անունով:

16. Ընտրութեան ընթացքը ըստ կա-
 րելոյն փութացնելու նպատակով սահման-
 վում է հետևեալ կարգը: Չայնովութեան
 հետևանքը շրջանակի ամեն մի վայրից
 հասցնում են (լաւ է՝ մարդու միջոցով) շրջ-
 նանակային յանձնաժողովին՝ մինչև յուլիսի
 27-ը: Շրջանակային յանձնաժողովը յուլի
 29-ին իր շրջանակի բոլոր վայրերից ստաց-
 ված ընտրութիւններէ հիման վրայ՝ հաշ-
 վում է ամբողջ շրջանակում լուրջան-
 չիւր կուսակցութեան կամ խմբակցութեան
 տրված ձայների թիւը, գրի է առնում և ար-
 ձանագրութիւն կազմում ու մարդու ձեռ-
 քով կամ հեռագրով հետևանքները հաղոր-
 դում շրջանային ընտրական յանձնաժողո-
 վին: Վերջինս էլ օգոստոսի 3-ին ամբողջ
 շրջանի բոլոր շրջանակներից ստացված
 ընտրութիւնների կամ հեռագրական տեղե-
 կութեանց հիման վրայ հաշվում է թէ ամ-
 բողջ շրջանում, միասին առած, այս կամ
 այն կուսակցութեանը հրչափ ձայն է տրը-
 ված: Այսպիսով՝ յօդ. 13-ի հիման վրայ
 շրջանային ընտրական յանձնաժողովը որո-
 շում է, թէ իր ամբողջ շրջանում քանի
 պատգամաւոր է ընտրված ամեն մի կու-
 սակցութիւնից: Յանձնաժողովները ոչ ուշ
 քան օգոստոսի 5-ին պաշտօնապէս յայտ-
 նում են ընտրված պատգամաւորներին նը-

բանց ընտրութեան մասին, իսկ ուրիշ քաղաքներում գտնվածներին հեռագրով, ընտրութիւնների արձանագրութիւնները, գործավարութիւնները պատգամաւորների միջոցով կամ այլ եղանակով ուղարկվում են Համագումարի գիւանին:

Այսպէս վարվում են 1-ից մինչև 8 ընտրական շրջաններում (տե՛ս ընտր. շրջանների ցուցակը): Իններորդ (Դադաստանի), 10-րդ (Աստրախանի) և 11-րդ (Բեսարաբիայի) շրջանների շրջանակներից, վայրերի հեռաւորութեան պատճառով, ձայնավորութեանց հետևանքները իրանց շրջաններն ընտրական յանձնաժողովներին հաղորդում են անալայման հեռագրով:

Որոշված օրերին տեղ չը հասած ընտրաթերթերը կամ տեղեկութիւնները այլևս նկատի չեն առնվում:

Դիւան Ռուսահայոց Համագումարի Կողմակիւրդիչ Միջկուսակցական Խորհրդակցութիւն:

Դիւանի հասցէն՝ Тифлисъ, Бебутовская, Анановское училище, Бюро междупартійнаго Совѣщанія.

Յ Ո Ւ Յ Ա Կ

ԸՆՏՐԱԿԱՆ ՇՐՋԱՆՆԵՐԻ ԵՒ ՊԱՏԳԱՄԱ-ԻՈՐՆԵՐԻ *)

1. ԵՐԵՒԱՆԻ ՇՐՋԱՆ. Կենտրոն Երևան.

(Շրջանակներ.—1. Երևան քաղաք, 2. Երևանի գաւառ, 3. Նոր-Բայազէտ՝ գաւառով, 4. Հին-Նախիջևան՝ գաւառով, 5. Վաղարշապատ՝ Իջմիածնի գաւառով, 6. Իգդիր՝ Սուրմալուի գաւառով, 7. Շարուր-Դարալագեազ). 46 պատգամաւոր:

2. ԱԼԷՔՍԱՆԴՐԱՊՈԼԻ ՇՐՋ. Կենտր. Ալէքս.

(Շրջանակներ.—1. Ալէքսանդրապոլ քաղաք, 2. Ալէքսանդրապոլի գաւառ). 19 պատգամաւոր:

3. ՂԱՐՍԻ ՇՐՋԱՆ. Կենտրոն Ղարս.

(Շրջանակներ.—1. Ղարս, Օլթի, Արդահան, 2. Ղարսի գաւառ, 3. Կողղվան քաղաք, 4. Կողղվանի գաւառ). 12 պատգամաւոր:

*) Ժանօթ.—Առաջին անգամ հրատարակված և քրված ցուցակում բերված էին իւրաքանչիւր շրջանակի հայ ազգաբնակչութեան թիւը և բանի պատգամաւոր է ընկնում իւրաքանչիւր շրջանակի վրայ: Ներկայ ցուցակից այդ տեղեկութիւնները դուրս ձգեցինք, որպէսզի տեղիք չը արվի կարծելու, թէ իւրաքանչիւր շրջանակ նշանակված թւով պատգամաւոր պիտի ընտրէ եր կողմից:

4. ԹԻՖԼԻՍԻ ՇՐՋԱՆ. Կենտրոն Թիֆլիս.

(Շրջանակներ.—1. Թիֆլիս քաղաք, 2. Թիֆլիսի գաւառ, 3. Ախալցխա՝ գաւառով, 4. Գորի և Դուշէթ, 5. Գորվայ գաւառը, 6. Աղնախ՝ գաւառով, 7. Թելաւ՝ գաւառով, 8. Ախալքալաք՝ գաւառով, 9. Բաքլալու գաւառ). 40 պատգամաւոր:

5. ՇՈՒՇՎԱՅ ՇՐՋԱՆ. Կենտրոն Շուշի.

(Շրջանակներ.—1. Շուշի՝ գաւառով, 2. Գեօրիս և Զանգեզուր, 3. Կարեւադինի գաւառ). 33 պատգամաւոր:

6. ԳԱՆՁԱԿԻ ՇՐՋԱՆ. Կենտր. Գանձակ.

(Շրջանակներ.—1. Գանձակ՝ գաւառով, 2. Նուխի՝ գաւառով, 3. Ղազախ՝ գաւառով, 4. Արէշի գաւառ, 5. Զիվանշիբի գաւառ). 20 պատգամաւոր:

7. ԲԱԴՎԱՅ ՇՐՋԱՆ. Կենտր. Բադալ.

(Շրջանակներ.—1. Բադալ, Ղուբա, Լինկօրան, Սալիս, 2. Շամախի՝ գաւառով, 3. Գեօրչայի գաւառ). 12 պատգամաւոր:

8. ԲԱԹՈՒՄԻ ՇՐՋԱՆ. Կենտր. Բաթում.

(Շրջանակներ.—1. Բաթում իր շրջանով, 2. Բուծայիս՝ գաւառով, 3. Սուխումի շրջան, 4. Նովօրոսիյսկ շրջանով). 7 պատգ:

9. ԴԱՂՍՏԱՆԻ ՇՐՋԱՆ. Կենտր. Արմուիր.

(Շրջանակներ.—1. Դէրբէնդ և Դաղստանի շրջան, 2. Արմաւիր, Եկատերինօպոլ. Մայկօպ, 3. Վրդիկավկադ, Ղլլար, Գետտիգօրսկ, Մօղգօկ շրջանով). 7 պատգամաւոր:

10. ՀԱՇՏԱՐԽԱՆԻ ՇՐՋ. Կենտ. Հաշտաքի.

(Շրջանակներ.—1. Հաշտաքի, Ստաւ-

րոպօլ, Սաքառօվ, Ճարեցին, (Սիբիր), 2. Ասխապատ և Թուրքեստանի շրջան). 3 պատգամաւոր:

11. ԲԵՍԱՐԱՅԻՆ ՇՐՋ. Կենտր. Նոր-Նախիջևան.

(Շրջանակներ.—1. Գեօրգրադ, Մօսկվա, Կիէվ, Խարկօվ, 2. Նոր-Նախիջևան գիւղերով և Ռօսաով, 3. Քիշինէվ, Օդեսսա, Ալեկերման, 4. Ղրիմ, Տաւրիկեան նահանգ). 8 պատգամաւոր:

Ընդամենը 11 շրջան, 46 շրջանակով և 185 պատգամաւոր:



Օ Ր Ա Կ Ա Ր Դ

1. Վերաբերմունքը դէպի ներկայ քաղաքական մօտենալը, դէպի ժամանակաւոր հառաւորութիւնը և դէպի պատերազմը:

2. Ռուսաստանի ապագայ ջաղաքական կազմը:

3. Սնդրկովկասի ապագայ քաղաքական կազմը և նրա կապը Ռուսաստանի հետ:

4. Փոքրամասնութեան իրաւունքը:

5. Հոգային հարցը: Դիւզացու տնտեսական վիճակը:

6. Լեզուների իրաւունքը պետական հիմնարկութիւնների մէջ:

7. Դպրոցական խնդիրներ. (պետական դպրոցների ազգայնացում, ազգային դպրոցներ, Լազարեան ճեմարան):

8. Եկեղեցու փոխ - յարաբերութիւնը պետութեան հետ:

Դիւան Միջկուսակցական խորհրդակցութեան:



Մ Ֆայագիտական գրադարան



MAL048778